

Vuk'uzenzele

**JOBS
INSIDE:**

Produced by Government Communications (GCIS)

English/Siswati

| Inkhwekhweti 2018 Lushicilelo 2

Bridge brings relief for KZN learners



■ KZN MEC for Transport, Community Safety and Liaison Mxolisi Kaunda with local learners who now arrive on time for school.

GOVERNMENT is ensuring that children don't have to cross dangerous rivers to get to school.

Nomfundo Mcetywa

Facing crocodiles and possibly drowning while crossing UThukela Riv-

er to get to school is no longer a reality for learners in KwaDukuza and KwaMaphumulo. This after the KwaZulu-Natal Department of Transport built two bridges

which cross the UThukela River. The Nyakana UThukela River Bridge, which cost R89.5 million to build serves the Mankenganeni community which is locat-


ed on the northern side of the river. The bridge links the Um-lalazi and KwaDukuza local municipalities

● **Cont. page 2**



New App to bring faster service delivery

Page 4



Space weather service to benefit Africa

Page 9



ALSO AVAILABLE ON:



@VukuzenzeleNews

f Vuk'uzenzele

Websites: www.gcis.gov.za

www.vukuzenzele.gov.za

E-mail: vukuzenzele@gcis.gov.za

Tel: (+27) 12 473 0353

Free Copy

“Education is the most powerful weapon which you can use to change the world.”

Nelson Mandela

100 Nelson Mandela Centenary 2018 Be the Legacy

Umsebenti weNingizimu Afrika kufundzisa lusha

HULUMENDE ufeza setsembiso sakhe sekucinisekisa kutsi bafundzi labafanelekile batfola imfundvo lephakeme yamahhala.

More Matshediso

Indvuna Yetemfundvo Lephakeme Nekucesha Nalendi Pandor utsi iNingizimu Afrika iyakhona kunika umfundzate bantfwana bemindeni lephuyile nalehola imihlo lemincane labangena emanyuvesi nasema-TVET kulomnyaka.

Indvuna Pandor utsite ngumsebenti walelive kwesekela leyo mindeni lephuyile.

Bekakhuluma nebetindzaba lapho avete khona inchubo yekucala kunikwa kwemfundvo yamahhala lapha eNingizimu Afrika.

Indvuna Pandor umemetele ngalokusemtsetfweni kutsi

Hulumende wengete nge-lutjalotimali lwetigidzigidzi leti-R7.166 esikhwameni semifundzate yebantfwana bemindeni lephuyile nalehola imihlo lemincane labangena emanyuvesi nasema-TVET kulomnyaka.

Indvuna Pandor ucinisekise kutsi tigidzigidzi le-R4.581 tibekelwe eceleni labo bafundzi labafanele kungena enyuvesi netigidzi le-R2.585 tibekelwe bafundzi basemakolishi e-TVET.

Nga-2017 hulumende umemetele kutsi imfundvo lephakeme itawubamahhala kubafundzi labaphuyile kanye nalabo labavela emindenini lehola ngemnyaka umhlo lohlanganisiwe losengakadovonswa letinye timali loyimalingena le-R350 000.

Labafundzi basekelwa ngesikimu semfundzate lese-ngetiwe, lesitsatsa sikhundla semalimboleko yaphambilini kanye nesikimu lesingasiwo umfundzate lophelele lesiniketwa Sikimu Savelonkhe Sekusita Bafundzi Ngetimali (i-NSFAS).

“Luphakelo lwekucala lwe-NSFAS lwekusekela bafundzi labaphuyile basemanyuvesi nasemakolishi e-TVET lutakwenyuka kusukela etigidzigidzini le-R9.849 nga-2017/18 luye etigidzigidzini letinge- R35.321 nga-2020/21.

“Loku kusho kutsi kunesidzingo sekutfutukisa tindhlelo tekusebenta ngemphumelelo ku-NSFAS. Ngaleyo ndlela-ke sente luphakelo lolwengetiwe lwetigidzi leti-R105 kuLolu-hlakamsebenti Lwetchitfo mali Lwethemu Lesekhatsi kute kusitwe i-NSFAS kutsi yandzise futsi icinise emandla ayo ekukhona kusebenta,” kwasho yona njalo Indvuna.

Bafundzi labafanele, kuyo yonkhe iminyaka yekufundza



■ Lisekela Lendvuna Yemfundvo Lephakeme Nekucesha, Buti Manamela baneNdvuna Naledi Pandor kanye naSihlalo we-NSFAS, Sizwe Nxasana.

kwabo, lababhalise emakolishi e-TVET ahulumende batawutfo umfundzate kukhokhela imali yekufundza kanye netinsita tekufundza.

Lokwenyuswa kwemali yekusita nga-2018/19 kutawucininisekisa kutsi bafundzi laba-458 875 batfola imifundzate.

Bafundzi basemakolishi e-TVET labalinganiselwa letinge-50 480, labafanele kutfo sibonelelo setekuhamba,

sendzawo yekuhlala kanye nese kudla, batawukweseke-lwa; bese kutsi labo labati-82 600 batawufaneleka kutsi batfole lusitotimali lwetekuhamba.

Indvuna itsite loluphakelo lwetimali lolusha lulindzeleke kutsi lusekele tikhala letilinganiselwa kuleti-83 200 kuleto letinge-208 000 (ema-40%) letikhona talabo labangena emanyuvesi kwekucala nga-2018. **■**

Litiko Letasekhaya limemetela kulwa nemigca lemidze

BANTFU BASENINGIZIMU AFRIKA masinyane nje batawube bajabulela kusitwa masinyane futsi nangemphumelelo Emahhovisi Etasekhaya.

More Matshediso

Litiko Letasekhaya lente lisu lekwenza tintfo kucinisekisa kutsi takhamuti aticitsi sikhatsi lesidze emigceni.

Ngekusho kweNdvuna yeTasekhaya Malusi Gigaba imigca lemidze beyibangwa linani lelisetulu lebantfu, indzawo lengakaneli yelihhovisi lelingembili, tinkinga tebhuli kanye nekuvalwa kwemahhovisi ngaboMgcibelo.

Kulungisa lenkinga, litiko libala linani lemahhovisi alo eveni lonkhe kutfo kutsi ngukutiphi tindzawo lapho kudzingeka kwentiwa ncono khona tinsitakalo.

“Sitawusungula luklayo lwekwenetiswa kwetakhamuti, sente kutsi sikhungo sekuchumana setakhamuti sisebente ngemphumelelo, kutfo sisombululo setakhamuti letingena tingakalindzelwa kanye nendzawo yelihhovisi lelingembili, kubuka nekutsi ngeke yini kube neluhlelo lolusha lwekusebenta

emashifu, kulungisa loluhlelo langcondvomshini lolungakanti, kwenyusa lizinga lekuvakasha emahhovisi etfu kwemamenja lamakhulu, kwenta ncono kuhamba kwemsebenti kanye nekwengeta lizinga lekuchumanana netakhamuti,” kwasho yona njalo Indvuna.

Lamasu ekwenza tintfo atawucala kusebenta njengetinyatselo tekungenelela tethemu lemfisha, lesemkhatsini kanye neyesikhatsi lesidze.

Indvuna ichaze kutsi letinsayeya ngeke tisonjululwe ngekusebentisa tinyatselo tekungenelela letilungisa tintfo ngekushesha futsi icele ummango kutsi ubeketele ngesikhatsi litiko lisacala kutisebentisa.

“Sitimisele ngekwenza konkhe lokusemandleni etfu kulwa nemphi yekuma emigceni, nanome kunetinkinga telitiko kanye naletinye tinsayeya,” kwasho Indvuna Gigaba.

Ngembikwekumemetelwa kwemasu ekwenza tintfo litiko litsite akube khona umbiko wekuhlala kutfo kutsi lemigca



■ Indvuna Yetasekhaya Malusi Gigaba utsi litiko lakhe litawucala lisebentise lisu lekwenza tintfo kute kucedzwe imigca lemidze.

singayilawula njani ncono kanye nekwenza ncono tinsitakalo talo.

Lomkhuba waphawula ngetindhlelo tengcondvomshini letingakatinti, inchubo lete imphumelelo yekuhamba kwemsebenti kanye netindle-lamasu tekuchumana letingahambisani letiholela ekutseni kube netakhamuti letingantiseki kanye nekuba khona kwemigca lemidze.

Ngekusho kweNdvuna, lamaphuzu lalandzelako enta lenkinga kutsi ichubekiseleke embili:

- Kulawula lokungekho ezingeni kulamanye emahhovisi
- Kungasebentiseki ngemphumelelo kwetisebenti
- Kuswelakala kweluhlelo lwekucasha
- Kungalawuli ngemphumelelo imigca
- Kuchubeka ngasikhatsi sinye kweluhlelo lolwentisa bantfu kanye nalolo lolutentekelako
- Kungasatjalaliswa ngekulingana kwemahhovisi ngekubuka bantfu labakhona
- Lwatiso lolungasilo

lolumayelana nekutsi emabhuku amatisi lanebhakodi angeke asabakhona.

- Timphawu letingekho ezingeni emahhovisi.

Kunemahhovisi etasekhaya la-184 kuphela lakhona kutsatsa lwatiso bukhoma kanye netiteshi tekusebenta letinge-411 eveni lonkhe.

Ngulamahhovisi la-184 kuphela lasebenta ticelo kanye nekulandvwa kwemakhadi amatisi nemapasipoti.

Litiko lenta kabusha emahhovisi lange-78 langubomahambanendlwana futsi kunesicininiseko sekutsi atawusajtalaliswa kulolonkhe live laseNingizimu Afrika ngesikhatsi sesigamu sesibili sa-2018. **■**

UTSINJEBEWATI?

Kusukela nje kwacala kukhishwa kwemakhadi amatisi nga-2013, emahhovisi eLitiko leTasekhaya asakhiphe emakhadi langetulu kwetigidzi letiyimfica.